

HUBUNGI SEMUA KUALA LANGAT / SEPANG: NURUL FIRDAUS KHAJRI - 019-6680920 / 019-6680275

Pilih Harapan untuk perubahan

Calon terbaik sudah diletakkan di Kuala Langat

NURUL FIRDAUS KHAJRI

KUALA LANGAT

Ketiga-tiga calon baharu Pakatan Harapan (Harapan) yang diputuskan bertanding di kerusi Parlimen Kuala Langat dan dua kerusi Dun, iaitu Sijanggang dan Banting sudah diteliti awal kemampuan mereka untuk membawa suara rakyat di sini.

Timbalan Presiden PKR, Datuk Seri Mohamed Azmin Ali berkata demikian menyangkal tanggapan se-



Mohamed Azmin hadir memberi galakan kepada penyokong Harapan untuk mempertahankan semua kerusi di Parlimen Kuala Langat.

setengah rakyat yang menolak calon berkenaan.

Ujarnya, hanya dua parti dilihat serius di daerah itu yang perlu dipilih oleh rakyat

iaitu BN dan Harapan, selainnya biasa sahaja.

"Jadi, jika mahu perubahan pilih Harapan. Saya tak marah dengan anggota Pas,

anggota Umno, yang saya marah hanya ketua-ketua kamu yang menjadi pengkhianat.

"Jangan kita undi kerana

Saya tak marah dengan anggota Pas, anggota Umno, yang saya marah hanya ketua-ketua kamu yang jadi pengkhianat." - Azmin

kawan, sebab kalau kita pilih atas dasar kawan belum tentu dia boleh bentuk kerajaan," katanya dalam Program Jelajah Kasih Menteri Besar di Tapak Pasar Iaman Perwira, Sijanggang.

Mohamed Azmin berkata, pengundi perlu memilih calon yang boleh menang dan membentuk kerajaan supaya suara mereka dapat didengari.

"Jadi pilihlah calon baharu dari Sijanggang, Hamidi Abu Bakar, Morib Hasnul Baharuddin, Banting, Lau Weng San dan Parlimen, Dr Xavier Jayakumar.

"Saya mohon Kuala Lan-

gat kekal parti Harapan dan mohon jentera beri maklumat awal kepada pengundi untuk keluar undi awal.

"Maklum kepada mereka di mana tempat mereka mengundi," katanya sambil menyifatkan gabungan itu menolak politik fitnah.



BANTING - Sekitar sesi walkabout calon BN bagi Parlimen Kuala Langat, Shahril Hamdan di Pasar Awam Banting, semalam.



KLIK SUARA PANDANGAN Peniaga turut menyuarakan pandangan mereka berkenaan usaha meningkatkan infrastruktur pasar.

Kena muhasabah, lihat apa kemajuan yang dah dibawa

MORIB - Bagaikan seorang ibu menasihati anak-anaknya untuk muhasabah diri dan melihat kemajuan sepanjang 10 tahun kebelakangan ini sekiranya ingin Morib terus ditadbir di bawah Pakatan Harapan (Harapan).

Itu yang dilakukan calon BN bagi Dun Morib, Rozana Kamarulzaman yang menyantuni pengundi di sini, semalam.

Menurut Rozana, beliau tidak mahu memburukkan parti lawan tetapi bersaing secara sihat untuk memenangi kerusi Dun itu.

"Bila saya ditemani bekas Adun Morib, Hasiman Sidom dalam kempen hari ini, saya lebih bersemangat untuk menerima pandangan bagaimana berjumpa dengan pengundi, bagaimana menggerakkan jentera turun padang.

"Bagi saya beliau (Hasiman) antara wakil rakyat terdahulu yang banyak mengubah pembangunan di Morib termasuk mantan wakil rakyat yang lain. Jadi saya yakin rakyat nampak perbezaan yang ada," katanya kepada pemberita dalam Ziarah Kasih bersama isteri Menteri



Rozana bersama Nori (dua kanan) dan Latisha (kanan) sempat menziarah Zainon Pardi, 56, dalam program Ziarah Kasih, semalam.

Belia dan Sukan, Nori Tun Abdullah di Dun Morib.

Hadir sama, isteri kepada calon BN Parlimen Kuala Langat, Latisha Udani.

Rozana yang merupakan Ketua Wanita Umno Bahagian Kuala Langat berkata, walaupun belum pernah bertanding, ia bukan satu masalah untuk menang.

"Kita pun ada cara kita untuk menawan hati rakyat. Saya pun sudah menjalankan gerak kerja jumpa orang dah macam wakil rakyat juga.

"Ia menjadikan saya lebih pengalaman untuk dekat dengan rakyat," katanya.

Beliau turut menyenaraikan lima agenda yang bakal dipertahankan sekiranya me-

menangi kerusi itu termasuklah meningkatkan hub pendidikan, meningkatkan pembangunan ke arah menjana ekonomi peniaga, membangunkan industri pelancongan dan sukan untuk anak muda, prihatin terhadap kebajikan rakyat dan memperkasakan golongan wanita.

Mengulas mengenai nasihat yang turut diterima daripada bekas Ketua Wanita Umno Bahagian Kuala Langat, Datin Paduka Fatimah Suhaimi, beliau bersetuju supaya tidak memburukkan parti lawan dan menganggap wanita itu sebagai ikon kerana pernah menjadi wakil rakyat di Dun Banting.

Sokong tingkat prasarana sukan

KUALALANGAT - Persatuan MAYC Kuala Langat berhasrat mempelbagaikan aktiviti sukan di peringkat daerah bagi menarik golongan muda.

Pengerusinya, Yazid Buang berkata, beliau turut menyokong usaha mana-mana pihak yang mahu meningkatkan prasarana sukan di daerah ini sebagai galakan aktiviti sukan dapat dijalankan setiap masa.

"Saya lihat anak muda di sini memang aktif bersukan malah pelbagai aktiviti sukan termasuk bola sepak antara sukan kegemaran anak muda.

"Jadi penganjuran pertandingan sukan di sini memang diutamakan selain mendapat kerjasama Pejabat Belia dan Sukan di Daerah Kuala Langat," katanya mengulas mengenai Pertandingan Bola Sepak 9 Sebelah (Jemputan) Piala Pengerusi JPP Zon 10 anjuran Pemuda BN Pusat Daerah Mengundi Sri Putra dan Biro Belia dan Sukan Jawatankuasa Persatuan Penduduk Zon 10 bersama MAYC Kuala Langat.

Program dirasmikan oleh Exco Pemuda Umno Malaysia merangkap Pengerusi Iktibar Parlimen Kuala Langat, Shahril Hamdan.

Hadir sama Pengerusi Belia Daerah Kuala Langat, Hafez Shuriddim dan bekas Pengerusi MAYC Kuala Langat, Rozana



Sebahagian pemain bola sepak menunjukkan isyarat bagus bergambar bersama tetamu yang hadir.

Saya lihat anak muda di sini memang aktif bersukan malah pelbagai aktiviti sukan termasuk bola sepak antara sukan kegemaran anak muda." - Yazid

Kamaruzaman.

Katanya, beliau yakin pelbagai badan sukarela termasuk majlis belia daerah mahu aktiviti sukan diperbanyakkan di kawasan itu.



Rakam gambar kenangan bersama-sama.